



www.BibleForChildren.org




John 14



"Yi uka moi esika ga refa. Sei rofu mokena vari gira aesi na rofu ka mokena vari gira aebifa. Nai Baba di yavari daiyutu tau; na mironari amena sana yi dogo regika boida. Mina de vonisi, ya de niyagadu."



"Ma bosi yi amena sana dogo regidari, usi bi dudusa dairi desi nasa ya afei bogida, ye na yaku goinari amegida sanari ya vene ka mironari amegedi."



Na bi John yi dubuini, ma Sei di ourefeidenana
amena sana dada, toro rena dudu, duku risi
Iesu dada vakoi toe baku reyafa, adina


Iesu yaku ago rama moi
negau riyo ma na yaku




Sei di ago niogau
reyaka dada,
motumotu roka
Patmos ri
na aeyadi.




Minari maka Vima na ourefeidegi na fafau deyo.
Ye omari bi ourefeidenana amena fata ma amiye
yokoi odororo ameinu reyo ma veyaka.



Ma omari, kono fafau, kono
gabireri, davara fafau ma ini
ideri riyo ma vegu ameyadi
tau gade yaku yauta niyadi
ma neideyaka: ...




... "Moi odororina, kikifarena,
vabara ma ourefeidenavava bi
ourefeidenamena fata ameinu
redo amiye ma Mamoe mida
rofu toga toga ameibobiyagane
di!"




Ma taoni kikifa, Jerusalem ruaka Sei rofu oma gutuna deyo ma veyaka. Bi mego rema ini maruka rofu dogo resi moi matuka reyadi kana. Kamini ourefeidenana amena fata gutuna goroka tora niyo ma neideyaka.

Niyo:


"Aiyo, Sei di amena sana bi amiyesa. Ina venesa amebigo ma ina bi ini vene. Sei iniye bi ina venesa ini Sei kana amebigo."




Mina usi Sei di naivo vima yaku vegu amena di koru
na oteimaro; bi neva dabu dabu garasi rama guta
kana ma Sei ma Mamoe mida di ourefeiden
amena fata gutuna iyana reyo.



Taoni bi meda ma eyo kamu regi baku de reyo,
adina Sei di vabara yaku kama reyo ma
Mamoe mida bi ini ramefa mini.



Idu beika yokoi kino toga dui de
rego ma kaere beika bi no iniye
o ofa dudu mina redo bi dui
de rego, idu kaere ini
roka bi Mamoe mida di
vegu amena di bukari
bura reyo, ina maka
dui regedi.




"Resi ini nemoko di ne koru tau
gade moi ugago ma muyena bi
koina nigo. Guruo rena, isaka nina
ma esika moina ka bi koina
nigedi, adina sena di beika baika
bi koina niyadi mini."




Beika baika tau Sei yaku kiraini niyo bi koina nigo.
Idu taoni ideri, bi Sei ma Mamoe mida di ourefeidenana
amena fata mini ma ini moimai rei tavoi rededi vene
nivakegedi. Ini seira
vebigedi ma ini
naori bi ini
roka amego.



Kamini muyeyadi vene ourefeidenana amena fata
budari are reyadi ma veyaka; bi roka tora nufa
vene ma mokei keika vene bi mini ma buka eboka
reyo. Mina usi buka idana ekeyo; mina bi
vegu amena di buka mini. Ye beika mina
bukari burareyadi dudu, muyeyadi
vene bi kota reyadi, beika reyadi
dada. Ye amiye yokoi
ini roka mina vegu
amena bukari de
bura resi baku de
reyo vonisi, bi ita
moka tora vaido
sanari you makuyadi.



Vima ma mego rema yomakai niyo, "Bae!" Ma neideyo
amiye yomakai niyaine, "Bae!" Ma koru vaiyo amiye bi
baeyaine; ma ura redo amiye davana yokoi de nufa
vegu ameibobina di koru moiyainedi.



Adina Sei yaku konori amededi vene
besa uka maro, ye ini Mida yokoi
maka maro, ye kaere ina rofu
mokena vari gira aego, bi
de muyego idu toga toga
ameibobina vegu baku
rego dada.



Rome vene 3:23

mina bi amiye tau gade yaku vegu no resi Sei di vabara
moina, bi ne tumuri keto reyadi.

Rome vene 6:23

Adina vegu no rena di obini bi muyena; idu Iesu Keriso
uni Varika amiye dudu, bi Sei yaku toga toga ameibobina
vegu ya mai tavoi rego, davana de.

Hebrew vene 9:27

Kamini amiye tau gade bi uru yokoi maka muyesi kota moi
raga rego kana.

Ephesus vene 2:8,9

Adina yi mokena vari gira aeyadiri, buni tora gade dudu
ya moi vegu riyo. Mina bi diya ya kaya reyadi; bi beika
Sei davana de nufa dudu, ya maro.



Mina bi diya reremama buni dudu, amiye yokoi yaku
nivasina rego baebu.

Rome vene 10:9,10

Ini adina Iesu bi Varika amiye, yi vena dudu niogau resi
yi uka mekori Sei yaku Iesu muyena gutuna moi dadi rae
reyo, mina mokena vari gira aegiya vonisi, bi ya moi vegu
rigo. Adina amiye yokoi yaku uka meko dudu mokena vari
gira aegori, bi moi rorobo rigo; ye vena dudu niogau
regori, bi moi vegu rigo.

John 3:16,17

Adina Sei yaku konori amededi vene besa uka maro, ye
ini Mida yokoi maka maro, ye kaere ina rofu mokena vari
gira aego, bi de muyego idu toga toga ameibobina vegu
baku rego dada. Adina Sei yaku ini Mida konori bi kono
amededi vene kota regika de nifeideyo, idu ina dudu moi
vegu rigi dada.



1 John 5:11-13

Ma niokuna ago bi yomini: Sei bi toga toga ameibobina
vegu una maro, ma mina vegu bi ini Midasa amedo.
Kaere amiye ini Midasa amedo, bi mina vegu moiyo, ma
kaere Sei di Mida inasa de amedo, bi vegu de moiyo.
Ya kaere Sei di Mida di rokari, mokena vari gira aededi
vene rofu mina ago bura reida, ye ya diba niyagane toga
toga ameibobina vegu bi moiyadi.



John 14; 2 Corinth vene 5;
Niokuna sina. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Doromu-Koki Bible (kqc) © 2016, Wycliffe Bible
Translators, Inc. All rights reserved.

<https://live.bible.is/bible/KQCWBT/RUT/1>

©2026 Bible for Children, Inc.

www.M1914.org

www.bibleforchildren.org

